

《佛說無量壽經》 補充講表

◎附表十二：

○辛一、求佛法身。辛二、求佛淨土。（願為導御，能有所成。）

《大智度論》卷七云：「問曰：諸菩薩行業清淨，自得淨報，何以要須立願然後得之？譬如田家得穀，豈復待願？」

答曰：作福無願，無所標立，願為導御，能有所成。譬如銷金，隨師所作，金無定也。如佛所說：「有人修少施福，修少戒福，不知禪法；聞人中有富樂人，心常念著，願樂不捨，命終之後，生富樂人中。復有人修少施福，修少戒福，不知禪法；聞有四天王天處、三天、夜摩天、兜率陀天、化樂天、他化自在天，心常願樂，命終之後，各生其中，此皆願力所得。」

菩薩亦如是，修淨世界願，然後得之。以是故知，因願受勝果。

復次，莊嚴佛世界事大，獨行功德不能成故，要須願力。譬如牛力雖能挽車，要須御者能有所至；淨世界願亦復如是，福德如牛，願如御者。

問曰：若不作願，不得福耶？答曰：雖得，不如願；願能助福，常念所行，福德增長。」

○攝取佛國清淨莊嚴無量妙土

《大智度論》卷七云：「諸菩薩見諸佛世界無量嚴淨，發種種願。

有佛世界都無眾苦，乃至無三惡之名者；菩薩見已，自發願言：我作佛時，世界無眾苦，乃至無三惡之名，亦當如是。

有佛世界七寶莊嚴，晝夜常有清淨光明，無有日月；便發願言：我作佛時，世界常有嚴淨光明，亦當如是。

有佛世界一切眾生皆行十善，有大智慧，衣被飲食，應念而至；便發願言：我作佛時，世界中眾生，衣被飲食，亦當如是。

有佛世界純諸菩薩，如佛色身三十二相，光明徹照，乃至無有聲聞、辟支佛名，亦無女人，一切皆行深妙佛道，遊至十方，教化一切；便發願言：我作佛時，世界中眾生，亦當如是。如是等無量佛世界種種嚴淨，願皆得之。」

○斯義弘深，非我境界。（以下糅合《佛說無量壽經甄解》）

『斯義弘深』等者，謂我所願莊嚴妙土，唯佛與佛知見，非佛說不能知，非他力不能見。《宋譯》云：「我智慧微淺，不能了知嚴剎之行，如來應正遍知，願為宣說諸佛剎土莊嚴之事。」

○譬如大海，一人斗量，經歷劫數，尚可窮底，得其妙寶。（以下糅合《佛說無量壽經甄解》）
「譬如大海」一句兼讚歎，法藏志願深廣喻大海深廣，此乃有歎願心廣大意，應上「知其高明」句。「一人斗量」下正教滿大願海之法。「得其妙寶」者，喻終取正覺。

○天人之善惡，國土之粗妙，應其心願，悉現與之。（以下糅合《佛說無量壽經甄解》）

《佛說無量壽經義疏》云：「『天人善惡』泛說一切諸土之因，『國土粗妙』泛宣一切諸土

之果。粗猶粗也，說惡說粗，令其舍遠，說善說妙，使其修習等。」

「應其心願，悉現與之」：佛於二百一十億土中，選取法藏心中所欲妙土，說以與之比丘，

合彼選擇取。

○其心寂靜，志無所著。一切世間，無能及者。（以下糅合《佛說無量壽經甄解》）

『其心寂靜』等，是發願思惟願相，猶不著其相，定意也（根本無分別智），次下『思惟攝取』是慧相也，定慧相即，世間無及。

○具足五劫，思惟攝取莊嚴佛國清淨之行。（以下糅合《佛說無量壽經甄解》）

佛國是所莊嚴，清淨之行是能莊嚴，以福智清淨行能莊嚴依正故。是時法藏發願，欲莊嚴佛國，故具足五劫，思惟攝取能莊嚴行，故非正修行時也。其猶如欲造城而思惟其材，故屬發願時而已。

*「劫」是梵文劫波或劫簸(kalpa)的音譯，它並不是佛教創造的名詞，乃是古印度婆羅門用來計算時間單位的通稱。通常所稱的劫，是指我們這個娑婆世界的長時間而言。

佛經中所說的劫，分為三種：

第一、**小劫**：從人壽八萬四千或八萬歲時開始，每一個百年減壽一歲起算，遞減至人壽十歲便死，這段期間稱為減劫，一個減劫也是半個小劫。從人壽十歲初始，每一個一百年增壽一歲起算，漸增至人壽八萬四千或八萬歲，這段期間稱為增劫，一個增劫即是半個小劫。如此一減一增的時間過程，總稱為一小劫。

第二、**中劫**：經過二十個小劫，稱為一個中劫。因為，據佛典中說，我們所處的地球，共分「成、住、壞、空」的四大階段，每一階段的時間過程，均為二十個小劫。佛教把這成、住、壞、空的四大階段，稱為四個中劫，分別稱為成劫、住劫、壞劫、空劫。

第三、**大劫**：經過成、住、壞、空的四個中劫，便是一個大劫；換句話說，地球世界的一

生一滅，便是一個大劫。

○彼佛國土，壽量幾何？佛言：其佛壽命，四十二劫。（問答決疑）

《唐譯》云：「阿難白佛言：世尊！彼世間自在王如來壽量幾何？世尊告曰：彼佛壽量滿

四十劫。」

○汝今可說，宜知是時，發起悅可一切大眾。菩薩聞已，修行此法，緣致滿足無量大願。

《唐譯》云：「佛言：今正是時，汝應具說，令眾歡喜，亦令大眾皆當攝受圓滿佛土。」

「汝今可說，宜知是時」者，歎許令說。准《宋譯》，有「善哉善哉」句，故知此中含可聖心之義，若其不可聖心，則何以歎許？今說所攝取之願，乃上契佛心，下契物機，故讚歎許可也。（糅合《佛說無量壽經甄解》）